

Պատվաստանյութեր

Ինչո՞ւ են դրանք կարևոր



Պատվաստումներն անվտանգ, արդյունավետ և հեշտ միջոց են՝

- ◆ Պաշտպանելու Ձեզ հիվանդություններից և ծանր հիվանդանալուց:
- ◆ Կանխելու հիվանդությունների փոխանցումը այլ մարդկանց, որոնք կարող են ծանր հիվանդանալ, օրինակ՝ տարեց մարդիկ, թույլ իմունային համակարգ ունեցող մարդիկ, հղի անձինք և այն մարդիկ, ովքեր չեն կարող պատվաստվել, որոշ դեպքերում՝ ներառյալ նորածինները:

Ո՞ւ են անհրաժեշտ պատվաստանյութերը:

- ◆ Պատվաստանյութերից կարող են օգուտ քաղել բոլորը՝ նորածիններից մինչև մեծահասակներ:
- ◆ Պատվաստանյութերը խորհուրդ են տրվում՝ հիմնվելով են Ձեր տարիքի և առողջական վիճակի վրա և կարող են Ձեզ անհրաժեշտ լինել դպրոցի, աշխատանքի, ճամփորդության կամ երեխաների խնամքի հաստատության համար:
- ◆ Առավելագույն պաշտպանության համար էական է, որ լինեք ժամանակին պատվաստված՝ ստանալով խորհուրդ տրվող բոլոր պատվաստանյութերը:



Իմանալու համար, թե ինչ պատվաստանյութեր են Ձեզ խորհուրդ տրվում, հարցրեք Ձեր բժշկական մատակարարին կամ դեղագործին: Խորհուրդ տրվող պատվաստանյութերի ցանկի համար այցելեք <https://www.cdc.gov/vaccines>:


Ինչպե՞ս են գործում պատվաստանյութերը:

- ◆ Պատվաստանյութերը սովորեցնում են Ձեր մարմինն ճանաչել վնասակար վիրուսները կամ բակտերիաները և ստեղծել հատուկ հակամարմիններ՝ Ձեզ առողջ պահելու համար, եթե երբևէ վարակվեք:
- ◆ Կան տարբեր տեսակի պատվաստանյութեր: Դրանք կարող են տրվել ներարկման, բերանի կամ քթի միջոցով:
- ◆ Շատ բաներ կարող են ազդել պատվաստանյութի առաջացրած պաշտպանության մակարդակի վրա, ներառյալ վարակի հետ շփման չափը, պատվաստանյութը ստանալուց հետո անցած ժամանակը և առողջության անհատական գործոնները: Թեև ոչ մի պատվաստանյութ 100%-ով կատարյալ չէ, դրանք Ձեզ ծանր հիվանդություններից պաշտպանելու լավագույն միջոցն են:



Պատվաստանյութեր

Ինչո՞ւ են դրանք կարևոր




Ինչպե՞ս ենք մենք իմանում, որ պատվաստանյութերն անվտանգ են:

- ◆ Նախքան որևէ պատվաստանյութ հասանելի կլինի հանրությանը, բազմաթիվ փորձարկումներ են արվում իմանալու համար՝ արդյոք այն անվտանգ է և ապահովում է զգալիորեն ավելի լավ պաշտպանություն, քան եթե անձը ընդհանրապես պատվաստված չլինի:
- ◆ Դաշնային գործակալությունները հաստատում են նոր պատվաստանյութերը և հետևում են, թե դրանք ինչպես են օգտագործվում, ինչ կողմնակի ազդեցություններ և արդյունավետություն ունեն՝ ըստ անհրաժեշտության կատարելով փոփոխություններ:
- ◆ Գիտնականների, հիվանդանոցների և համալսարանների կողմից արված լայնածավալ ուսումնասիրությունները հերքել են պատվաստանյութերի մասին առասպելներն ու ապատեղեկատվությունը: Պատվաստանյութերը կապ չունեն աուտիզմի կամ անպտղության հետ և չեն փոփոխում ԴՆԹ-ն կամ առաջացնում հիվանդություններ:

Ինչո՞ւ է հնարավոր, որ ես ինձ վատ զգամ պատվաստվելուց հետո:

- ◆ Ինչպես դեղամիջոցները, պատվաստանյութերը կարող են ունենալ կողմնակի ազդեցություններ, ինչպիսիք են ջերմությունը, հոգնածությունը, գլխացավ և այտուցը՝ պատվաստանյութի ներարկման մասում:
- ◆ Այս կողմնակի ազդեցությունները նշան են, որ Ձեր մարմինը ստեղծում է պաշտպանություն վիրուսի նկատմամբ:
- ◆ Մարդկաց մեծ մասն ունենում է միայն թեթև կողմնակի ազդեցություններ կամ ընդհանրապես չի ունենում դրանք: Կողմնակի ազդեցությունները սովորաբար ինքնուրույն անհետանում են մի քանի օրվա ընթացքում:
- ◆ Լուրջ կողմնակի ազդեցությունները հազվեդեպ են: Եթե կողմնակի ազդեցություններն ավելի են վատանում, անհանգստացնում են Ձեզ կամ տևում են 2 օրից ավելի, կապ հաստատեք Ձեր մատակարարի հետ:



Հանրային Առողջության զանգերի կենտրոն

Հավելյալ տեղեկությունների համար Հանրային Առողջության զանգերի կենտրոնը հասանելի է **1-833-540-0473** հեռախոսահամարով ամեն օր՝ առավոտյան 8-ից երեկոյան 8:00-ը՝ շաբաթը յոթ օր:



Los Angeles County Department of Public Health

ph.lacounty.gov/vaccines

Vaccines - Why Are They Important 08/22/23 (Armenian)



COUNTY OF LOS ANGELES
Public Health